



Hawm Txog Cov Niamtxiv lossis Tus Saibxyuas,

Tej zaum koj yuav paub lawm, lub xeev California yuav tseev kom txhuas tus tub/ntxhais kawm ntawv uas yuav mus kawm rau qib 7 yuav tsum muaj pov thawj tias tau txhaj koob tshuaj Tdap thiab 2 koob tshuaj MMR (lossis muaj ntawv kho mob thov zam kev txhaj tshuag raug cai) ua ntej mus kawm qib 7. Nrog rau tsab ntawv no, peb muaj cov ntaub ntawv qhia txog cov koob tshuaj Tdap thiab MMR, nrog rau cov lus nug heev tshaj.

Peb cov ntaub ntawv qhia tias koj tus menyuam tsis tau txhaj nws koob tshuaj Tdap thiab/lossis koob tshuaj MMR thib 2. **Ua ntej koj tus menyuam yuav pib kawm qib 7, koj yuav tau ua ib qho nram qab no ua ntej thiaj pib kawm ntawv tau:**

- A. Muab cov ntaub ntawv qhia tias koj tus menyuam txhaj pum tas nrho cov koob tshuaj uas yuav tsum tau txhaj lawm.
- B. Xa tsab ntawv uas sau los ntawm tus kws kho mob uas muaj daim ntawv raug cai los ua kws kho mob qhia tias zam rau cov koob tshuaj uas tsis tau txhaj thiab xa daim npaj txhaj tshuaj uas muaj cov vasthib sau rau cov koob tshuaj uas yuav tsum tau txhaj tiam sis zam tsis tau rau.

Daim ntawv kho mob thov zam kev txhaj tshuaj yog dab tsi?

Daim ntawv kho mob thov zam kev txhaj tshuaj yog ib tsab ntawv sau los ntawm tus kws kho mob uas muaj daim ntawv pov thawj raug cai (M.D. lossis D.O.) qhia txog:

1. Tias yam mob lossis tej yam kev mob ntawm tus menyuam no tsis qhia tias koob tshuaj uas yuav tsum tau txhaj ntawd muaj nyob rau hauv.
2. Koob tshuaj tiv thaiv twg yog koob uas zam tau rau.
3. Seb daim ntawv kho mob thov zam kev txhaj tshuaj yog zam mus ib txhim lossis zam ib ntus xwb.
4. Hnub vasthib xaus, yog tias qhov kev zam tsuas yog ib ntus xwb.

Yog hais tias koj tus tub/ntxhais kawm ntawv tsis tau txhaj tshuaj no, thov hu rau koj tus menyuam tus kws tshuaj mob tam sim no. Yog tias koj tsis muaj ib tug kws kho mob, nyob hauv no peb muaj daim ntawv qhia cov chaw kho mob nyob rau thaj tsam Sacramento zej zos.

- Yog koj tsis muaj ivsislams kho mob, koj mus tso npe thov kev pab rau ivsislams kho mob tau ntawm Sacramento Covered ntawm (866) 850-4321 lossis <http://sacramentocovered.org/enroll>.

Nov kuj yog lub sijhawm zoo los tham txog lwm koob tshuaj uas yuav tau txhaj. Txawm tias koob tshuaj Tdap thiab 2 koob MMR yog txhaj kom thiaj mus kawm tau ntawv, nws kuj yog ib qho uas pom zoo hais tias koj tus menyuam yuav tsum tau txhaj cov koob tshuaj Meningococcal thiab HPV nyob rau lub noob nyoog no thiab. Yog koj muaj lus nug dab tsi, thov hu rau Sacramento County Public Health Immunization Branch ntawm (916) 875-7468 lossis SCUSD Health Services ntawm (916) 643-9412.

Cov tub/ntxhais kawm ntawv mus qib 7 uas tsis tau txhaj tshuaj puv raws li txoj kev cai txhaj tshuaj yuav tsis tau mus kawm ntawv. Thov nqa koj tus menyuam daim npav txhaj tshuaj lossis daim ntawv raug cai zam kev txhaj tshuaj tuaj rau peb lub hoob kas ua ntej tsev kawm ntawv pib.

Ua tsaug rau koj pab peb kom koj tus menyuam, peb lub tsev kawm ntawv, thiab peb lub zej zos nyab zeeb thiab noj qab nyob zoo.

Ua Tsaug,



Keu Txhaj Tshuaj rau Cov Tub/Ntxhais Kawm Qib 7

Tdap (Pertussis/Whooping Cough) Hnoos Qhuj Qhem

Tej Yam Uas Cov Niamtxiv Yuav Tsum Tau Paub Txog

Qhov pertussis booster requirement yog licas?

Tas nrho cov tub/ntxhais kawm ntawv uas yuav mus kawm, nce mus lossis hloov mus kawm rau qib 7 yuav tsum muaj daim ntawv pov thawj qhia tias txhaj tas koob tshuaj thiv thaiv qhov hnoos qhuj qhem rau cov menyuam hluas (hu ua "Tdap"), lossis muaj daim ntawm kho mob thov zam kev txhaj tshuaj, ua ntej yuav mus kawm ntawv tau rau lub caij nplooj ntoos zeeg.

Yog hais tias kuv tus menyuam tsis muaj ntawv pov thawj txog ntawm koob tshuaj Tdap ua ntej tsev kawm ntawv pib?

Koj tus menyuam yuav tsis tau pib kawm ntawv txog rau thaum koj muab daim ntawv qhia tias txhaj tas koob tshuaj Tdap tuaj rau tsev kawm ntawv.

Puas muaj ib lub caij/sijhawm rau kuv tus menyuam mus txhaj tshuaj TOM QAB tsev kawm ntawv pib?

Tsis muaj. Raws li txoj cai tam sim no, cov tsev kawm ntawv tsis muaj txoj hau kev yuav muab ib lub caij ntxiv lawm. Tas nrho cov tub/ntxhais kawm ntawv qib 7 yuav tsum muaj daim ntawv pov thawj qhia txog kev txhaj koob tshuaj Tdap lossis muab daim ntawv kho mob thov zam kev txhaj tshuaj tuaj ua ntej yuav pib kawm ntawv rau lub Cuaj hlis.

Tdap yog dab tsi thiab yam kab mob twg uas koob tshuaj Tdap thiaj li yuav tiv thaiv tau?

Tdap yog ib koob tshuaj tiv thaiv rau cov menyuam hlob zog, cov hluas, thiab cov laus. Nws tiv thaiv tau 3 yam kab mob: mob kabxeb los yog mob daig tsaig, mob txhaws caj pas, thiab hawb hnoos (tetanus, diphtheria, and whooping cough).

- **Pertussis**- hnoos qhuj qhem, yog ib yam kab mob kis tau yooj yim heev uas ua rau ua tsis taus pa. Nws kis tau yooj yim yog thaum ib tug neeg muaj tus mob hnoos los yog txham. Qhov mob no yuav mob mus rau ntau hli. Hawb hnoos (whooping cough) yog ib yam mob tsis zoo rau cov menyuam mos.
- **Tetanus**- yog ib yam mob loj heev, mob nqai (chua) nruj nruj, mus rau ntawm lub puab tsaig (zawm lub puab tsaig) uas yuav txo tau kom nqo qaub ncaug thiab ua pa nyuaj.
- **Diphtheria**- yog ib yam mob qa uas yuav ua tau kom ua pa nyuaj, tuag tes tuag taw, lub plawv tsis ua haujlwm thiab tuag taus.

Puas yog TAS NRHO menyuam kawm qib 7 yuav tsum tau txhaj koob tshuaj pertussis?

Yog. Yog lawv tsis muaj ntawv kho mob thov zam kev txhaj tshuaj, txhua tus menyuam yuav nkag mus kawm qib 7 yuav tsum tau muaj pov thawj qhia tias nws twb txhaj koob tshuaj Tdap lawm. Qhov no yog rau cov menyuam kawm ntawv tam sim no, cov menyuam tuaj kawm ntawv tshiab thiab cov menyuam los ntawm cov tsev kawm ntawv dawb rau laj mej pej xeeb thiab cov tsev kawm ntawv ntiav. Muaj coob tus menyuam kawm ntawv twb tau txhaj koob tshuaj tiv thaiv no lawm. Qhov uas lawv yuav tau ua yog nqa daim npav txhaj tshuaj tuaj mus qhia rau lub tsev kawm ntawv paub, lossis mus nug lawv tus kws tshuaj mob.

Vim licas thiaj yuav tsum tau txhaj koob tshuaj Tdap?

Qhov kev txhaj tshuaj no yuav tiv thaiv koj tus menyuam thiab lwm tus nyob ntawm koj tus menyua lub tsev kawm ntawv thiab lub zej zos ntawm qhov kab mob hnoos (whooping cough). Tus kab mob hawb hnoos no yog ib tug kab mob loj uas yuav ua rau hnoos ntau hli. Xyoo tsis ntev los no, muaj tus kab mob hnoos ntau heev nyob rau hauv lub teb chaws Asmelikas. Tus kab mob hawb hnoos kis ntau zuj zus hauv lub xeev California thiab ua rau 10 tus menyuam mos liab tau tag sim neej rau xyoo 2010.

Yuav yog thaum twg kuv tus menyuam thiaj yuav tsum mus txhaj koob tshuaj Tdap?

Tam sim no. Cov menyuam uas tsis tau txhaj koob tshuaj no yuav muaj feem tau txais tus kab mob hawb hnoos (pertussis), yuav muaj mob nyav thiab yuav tau qhaj ntawv ntau asthiv. Dhau ntawm qhov uas tiv thaiv koj tus menyuam lawm, koj ua kom txhua yam tiav ua ntej yuav pib kawm ntawv yog ib qho zoo rau koj. Cia li teem caij coj koj tus menyuam uas yuav mus kawm ntawv qib 7 tuaj txhaj koob tshuaj Tdap tam sim no.

- Khaws koj tus menyuam daim npav txhaj koob tshuaj Tdap rau ib qho chaw kom zoo.
- Muab luam ib daig mus rau koj tus menyuam lub tsev kawm ntawv nws kawm tas sim no.



KeV Txhaj Tshuaj rau Cov Tub/Ntxhais Kawm Qib 7

MMR (Measles, Mumps, Rubella)

Qhua Pias, Mob Tuv Dev, thiab Qhua Taum

Tej Yam Uas Cov Niamtxiv Yuav Tsum Tau Paub Txog

Qhov MMR booster requirement yog licas?

Tas nrho cov tub/ntxhais kawm ntawv uas yuav mus kawm, nce mus lossis hloov mus kawm rau qib 7 yuav tsum muaj daim ntawv pov thawj qhia tias txhaj tas koob tshuaj MMR thib 2 lossis muaj daim ntawm kho mob thov zam kev txhaj tshuaj, ua ntej yuav mus kawm ntawv tau rau lub caij nplooj ntoos zeeg.

Yog hais tias kuv tus menyuam tsis muaj ntawv pov thawj txog ntawm koob tshuaj MMR thib ob ua ntej tsev kawm ntawv pib?

Koj tus menyuam yuav tsis tau pib kawm ntawv txog rau thaum koj muab daim ntawv qhia tias txhaj tas koob tshuaj MMR thib ob tuaj rau tsev kawm ntawv.

Puas muaj ib lub caij/sijhawm rau kuv tus menyuam mus txhaj tshuaj TOM QAB tsev kawm ntawv pib?

Tsis muaj. Raws li txoj cai tam sim no, cov tsev kawm ntawv tsis muaj txoj hau kev yuav muab ib lub caij ntxiv lawm. Tas nrho cov tub/ntxhais kawm ntawv qib 7 yuav tsum muaj daim ntawv pov thawj txog kev txhaj koob tshuaj MMR thib ob lossis muab daim ntawv kho mob thov zam kev txhaj tshuaj tuaj ua ntej yuav pib kawm ntawv rau lub Cuaj hlis.

MMR yog dab tsi thiab yam kab mob twg uas koob tshuaj MMR thiaj li yuav tiv thaiv tau?

MMR yog koob tshuaj tiv thaiv cov kab mob xws li Qhua Pias, Mob Tuv Dev thiab Qhua Taum (Measles, Mumps and Rubella). Cov kab mob no kis tau los ntawm ib tug neeg mus rau lwm tus los ntawm cov huab cua. Koj yuav kis tau yooj yim los ntawm nyob ze ib tug neeg uas twb muaj tus kab mob no lawm.

- **Measles** – tus kab mob no ua rau tawv pob lossis ntse, hnoos, los ntswg, txob qhov muag, thiab kub ib ce. Nws yuav ua rau mob pob ntseg, mob ntsws, qaug dab peg (nriaj tes taw thiab qhov muag ntseg), puas hlwb, thiab tuag taus.
- **Mumps** – tus kab mob no ua rau kub ib ce, mob taub hau, mob nqajj leeg, tsis qab los noj mov, thiab ua rau cov qog o. Nws muaj cuab kav ua rau lag ntseg, meningitis (mob rau daim npluag thaiv ntawm lub hlwb thiab tus txha caj qaum), mob o heev rau ob lub noob qes lossis cov zes qes hauv tsev menyuam, thiab yuav ua tau rau muaj tsis tshuam taus menyuam.
- **Rubella** - kuj muaj ib lub npe hu ua German Measles. Tus kab mob Rubella no ua rau tawv pob lossis ntse, mob caj dab tes/taw (feem ntau yog rau cov poj niam), thiab ua npaws. Yog ib tug poj niam twg raug tus qoob rubella thaum nws cev xeeb tub, nws tus menyuam yuav nchuav taus lossis nws tus menyuam yuav yug tau los muaj teeb meem rau lub cev.

Puas yog TAS NRHO cov menyuam kawm qib 7 yuav tsum tau txhaj koob tshuaj MMR thib ob?

Yog. Yog lawv tsis muaj ntawv kho mob thov zam kev txhaj tshuaj, tas nrho cov tub/ntxhais kawm ntawv uas yuav nkag mus kawm qib 7 yuav tsum tau muaj pov thawj qhia tias nws twb txhaj koob tshuaj MMR thib ob lawm. Qhov no yog rau cov menyuam kawm ntawv tam sim no, cov menyuam tuaj kawm ntawv tshiaib thiab cov menyuam los ntawm cov tsev kawm ntawv dawb rau laj meej pej xeeb thiab cov tsev kawm ntawv ntiav. Muaj coob tus menyuam kawm ntawv twb tau txhaj koob tshuaj tiv thaiv no lawm. Qhov uas lawv yuav tau ua yog nqa daim npav txhaj tshuaj tuaj mus qhia rau lub tsev kawm ntawv paub, lossis mus nug lawv tus kws tshuaj mob.

Vim licas thiaj yuav tsum tau txhaj koob tshuaj MMR thib ob?

Txhaj koob tshuaj MMR thib ob yuav pab tau lub nrog cev kom tiv thaiv tau kab moob. Nyob rau xyoo 2008, 2011, 2013 thiab 2014, tau qhia tias muaj cov qoob qhua pias no ntau tshaj piv rau cov xyoo tas los. CDC cov neeg ua dej num uas paub zoo txog seem no qhia tias muaj ntau tus neeg raug cov qoob qhua pias no ntau duos li txhua zaus nyob rau lwm lub teb chaws uas cov neeg Meskas mus ncig uasi (xws li Askiv, Fabkis, Yelemas, Khej, Filispeej thiab Nyab Laj), thiab vim li no thiaj li muaj cov qoob qhua pias no nkag ntau zuj zus rau teb chaws Asmeslikas, thiab/lossis tus qoob qhua pias no kis ntxiv rau Asmeslikas cov zej zos uas muaj cov neeg tsis tau txhaj tshuaj.

Yuav yog thaum twg kuv tus menyuam thiaj yuav tsum mus txhaj koob tshuaj MMR thib ob?

Tam sim no. Tej zaum koj tus menyuam twb tau txhaj koob tshuaj MMR thib ob lawm. Xyuas koj tus menyuam daim npav txhaj tshuaj lossis mus nrog koj tus kws tshuaj mob tham. Yog hais tias koj tus menyuam tsis tau txhaj koob tshuaj MMR thib ob (lossis daim ntawv pov thawj qhia tias txhaj lawm), nws tseem ceeb heev uas koj tus menyuam yuav tsum tau txhaj koob tshuaj no sai li sai tau (los yog ib tsab ntawv sau los ntawm koj tus kws tshuaj mob qhia tias koj tus menyuam tau tshuaj xyuas los ntawm lub chaw tshuaj mob lawm).

- Khaws koj tus menyuam daim npav txhaj koob tshuaj MMR thib ob rau ib qho chaw kom zoo.
- Muab luam ib daig mus rau koj tus menyuam lub tsev kawm ntawv nws kawm tas sim no.



Cov Sijhawm Txhaj Tshuaj Dawb rau Xyoo 2018-2019

Cov Qib Kawm eK-12 – Txhaj Txhua Yam Tshuaj

Hauv Paus Tsev Kawm Ntawv Lub Chaw Sau Npe Kawm Ntawv “Enrollment Center” – Chav 4 (5601 47th Avenue)

Hnub Tim	Sijhawm	Txais tus kawg rau npe thaum
Hnub Monday, lub 8 hli tim 20, 2018	9:00 AM – 1:30 PM	1:00 PM
Hnub Tuesday, lub 8 hli tim 21, 2018	9:00 AM – 1:30 PM	1:00 PM
Hnub Wednesday, lub 8 hli tim 22, 2018	9:00 AM – 1:30 PM	1:00 PM
Hnub Thursday, lub 8 hli tim 23, 2018	2:00 AM – 6:00 PM	5:30 PM
Hnub Monday, lub 8 hli tim 27, 2018	2:00 PM – 6:00 PM	5:30 PM
Hnub Tuesday, lub 8 hli tim 28, 2018	9:00 AM – 1:30 PM	1:00 PM
Hnub Wednesday, lub 8 hli tim 29, 2018	9:00 AM – 1:30 PM	1:00 PM
Hnub Thursday, lub 8 hli tim 30, 2018 (Thawj Hnub Pib Kawm Ntawv)	8:00 AM – 10:00 AM 3:00 PM – 6:00 PM	9:30 AM 5:30 PM
Hnub Friday, lub 8 hli tim 31, 2018	8:00 AM – 11:00 PM	10:30 AM
Hnub Thursday, lub 9 hli mus txog lub 5 hlis*	3:00 PM – 6:00 PM	5:30 PM

***SCUSD lub chaw txhaj tshuaj yuav qhib rau thaum 3-6 PM txhua hnub Thursday uas tsev kawm ntawv qhia ntawv nyob rau lub 9 hli mus txog rau lub 5 hlis.**

Cov Uas Tsim Nyog Tau Txais Kev Pab Txhaj Tshuaj

SCUSD Lub Chaw Txhaj Tshuaj yuav txhaj tau tshuaj rau cov menyuam kawm ntawv yog tias muaj **tas nrho** txhua yam li nram qab no:

1. Yuav mus kawm lossis tabtom kawm rau Early Kindergarten 12 hauv SCUSD cov tsev kawm ntawv
2. Muaj hnub nyoog tsawg tshaj 19 xyoos
3. Muaj Medi-Cal, Tsis muaj Insurance, lossis yog neeg Qhab/Native Alaskan
Cov menyuam uas muaj private insurance yuav tsum tau mus cuag lawv tus kws saib mob.

Cov Ntaub Ntawv Uas Koj Yuav Tsum Tau Nqa Tuaj

- Tag nrho tus menyuam cov npav txhaj tshuaj
- Daim Medi-Cal card (yog muaj)
- Niamtxiv/tus Saibxyuas yuav tsum tuaj

SCUSD lub chaw txhaj tshuaj yuav tsis muaj teem caij.

Cov koob tshuaj yog muab rau cov xub tuaj ces xub tau xwb.

Koj lub sijhawm tos ntev thiab luv yog nyob ntawm seb muaj pes tsawg tus menyuam ua ntej koj xwb.
Thov nco cia tias: tus kawg uas yuav txais txhaj tshuaj yog ua ntej 30 feeb yuav kaw lub chaw txhaj tshuaj kom muaj sijhawm los pab txhua tus.

Xav paub ntxiv, thov hu rau Health Services ntawm 643-9412

Xeev California Txoj Cai yuav kom muaj pov thawj qhia tias txhaj tshuaj puv lawm lossis muaj kev zam raug cai ua ntej tus menyuam mus kawm ntawv tau.

Health and Safety Code, Division 105, Part 2, Chapter 1, Sections 120325-120380;

California Code of Regulations, Title 17, Division 1, Chapter 4, Subchapter 8, Sections 6000-6075

Sacramento Area Community Immunization Clinics

Sacramento's Child Health & Disability Prevention Program (CHDP) provides Free or Low-Cost health exams & immunizations for **uninsured** and **Medi-Cal** children ages birth to 18 years: **(916) 875-7151**

*It is **RECOMMENDED** that you

call in advance for appointments, confirmation of fees and services, and translation services.*

-If needed, please call the **Immunization Assistance Program** at **(916) 875-SHOT** for further assistance.-

Wellspace Health For more information, visit www.wellspacehealth.org		
<p><i>Oak Park Community Health Center</i> 3415 Martin Luther King Jr. Blvd. Sacramento, CA 95817 (916) 737-5555</p> <p><i>South Valley Community Health Center</i> 8233 E. Stockton Blvd. Suite D Sacramento, CA 95828 (916) 737-5555</p>	<p><i>Hiram Johnson Community Health Center</i> 3535 65th Street Sacramento, CA 95820 (916) 737-5555</p> <p><i>Alhambra Community Health Center</i> 2425 Alhambra Blvd. Sacramento, CA, 95817 (916) 737-5555</p>	<p>Cost: Sliding Scale Office Visit Fee: Sliding Scale Insurance: Accepts Medi-Cal, Private, and No Insurance Languages: Translation Services Available.</p> <ul style="list-style-type: none"> • Appointments Preferred <p>Please call in advance, or visit Health Center to make appointment.</p>
Elica Health Centers For more information, visit www.elicahealth.org		
<p><i>Elica Midtown</i> 3701 J Street, Suite 201 Sacramento, CA 95816 (916) 454-2345</p> <p><i>Elica West Sacramento</i> 155 15th Street West Sacto., CA 95691 (916) 454-2345</p>	<p><i>Elica Arden Arcade</i> 1750 Wright Street Sacramento, CA 95825 (916) 454-2345</p> <p><i>Elica Del Paso Heights</i> 1281 North Ave Sacramento, CA 95838 (916) 454-2345</p>	<p>Cost: Sliding Scale Office Visit Fee: Sliding Scale Insurance: Accepts Medi-Cal, Private, and No Insurance Languages: Translation Services Available. Please Call in Advance.</p>
Sacramento Community Clinic For more information, visit www.halocares.org		
<p>2200 Del Paso Blvd. Sacramento, CA 95815 (916) 924-7988</p> <p>5524 Assembly Court Sacramento CA 95823 (916) 642-1867</p>	<p>7275 E. Southgate Drive, Suite 204 Sacramento, CA 95823 (916) 428-3788</p>	<p>Cost: Sliding Scale Office Visit Fee: Sliding Scale Insurance: Medi-Cal, Private, & No Ins.</p> <ul style="list-style-type: none"> • Appointments Preferred <p>Languages: Translation Services</p>
Sacramento Native American Health Center (SNAHC) For more information, visit www.snahc.org		
<p>2020 J Street Sacramento, CA 95811 (916) 341-0575</p>	<ul style="list-style-type: none"> • Staff onsite to register for Medi-Cal • Appointments Preferred 	<p>Cost: Sliding Scale Office Visit Fee: Sliding Scale Insurance: Medi-Cal & No Ins.</p>
Peach Tree Health For more information, visit www.pickpeach.org		
<p>3810 Rosin Ct, Suite 100 Sacramento, CA 95834 (916) 779-7656</p>	<ul style="list-style-type: none"> • Appointment Only 	<p>Cost: Sliding Scale Office Visit Fee: Sliding Scale Insurance: Medi-Cal, Private, & No Ins.</p>
Rite Aid For more information, visit www.riteaid.com/pharmacy		
<p>1125 Alhambra Blvd. Sacramento, CA 95816 (916) 452-1334</p> <p>831 K Street Sacramento, CA 95814 (916) 444-0690</p>	<p>980 Florin Road Sacramento, CA 95831 (916) 422-7202</p> <p>5610 Stockton Blvd. Sacramento, CA 95824 (916) 737-0260</p>	<p>Cost: Varies Office Visit Fee: Varies Insurance: Accepts all insurance except Anthem Blue Cross</p> <ul style="list-style-type: none"> • Walk-Ins Available • Other Locations Available in Sacramento
Spring Medical Clinic For more information, visit www.SpringMedicalClinic.com		
<p>1355 Halyard Drive, Suite 130 West Sacramento, CA 95691 (916) 371-1930</p>	<ul style="list-style-type: none"> • Walk-Ins Available 	<p>Cost: Cash Only for Services Office Visit Fee: Varies</p>